

۱ «ای برآران و ای پئران، دفاع کودن جہ خودم کی ہسہ شیمی

خدمت عرض کونمہ، گوش بدید.»

۲۲

۲ وختی مردوم بیشنوستید کی اوشان امرأ بہ زبان عبرانی گب زئن درہ، ہمہ تان ساکت بوستیدی. بزین پولس بوگفته:

۳ «من ایتا یہودی یم کی تارسوس کیلیکیہ میان بہ دنیا بموم، ولی اورشلیم میان پیلہ بوبوستم. می اجداد شریعت تومام و کمال، گاملائیل* اوستاد ورجہ، یاد بیگفتم و خودا رہ غیرت داشتیم، شیمی مانستن، هوطو کی ایمروز شومان ہمہ تان ایسیدی. ۴ من عیسی پیروان تا حد مرگ آزار دیم و مرداکان و زناکان گفتم، تاودہ یم زندان دورون. ۵ هوطو کی کاهن اعظم و تومام اعضای شورای یہود شاهد ایسیدی کی جہ اوشان نامہ فیگفتم، شویم دمشق اوشان برآران یہودی ورجہ، کی اوہ مردوم بیگیرم، زندانی بوکونم و باورم اورشلیم، کی مجازات ببید.

۶ ولی وختی شوئون دوبوم، دمشق نزدیکی، راہ میان، زوالہ دم، ناخبر ایتا پیلہ دانہ نور، سبق زنان آسمان جا مر دتاوستہ. ۷ بکفتم زمین سر، ایتا صدا بیشنوستم کی مر بوگفته: (شائول! شائول! چرہ مر آزار دیھی؟)

۸ وورسم: (ای سرور، تو کیسی؟)

* ۳:۲۲ گاملائیل قوم یہود اوستاد دینی بو

جواب بدہ: (من هو عيسائى ناصرى يمى كى تو اون آزار ديهى.) ۹ اوشانى كى مى
امراً همراًه بيد، نور بیده ییدی ولی صدای او کسی کی مى امرأ گب زئن دبو،
نیشنوستیدی. ۱۰ «بوگفتم: (سرورم، چى واً بوکونم؟)

خوداوند بوگفته: (ويريز، بوشو دمشق. اويه هر چى كى واً انجام بدى، تر گفته
به.) ۱۱ من جہ روشنایی ی او نور، هيچى نتانستيم بيدنيم. پس اوشانى كى مى
امراً بيد مى دس بيگيفتیدی، مر بيردیدی دمشق.

۱۲ دمشق دورون ايتاً يهودى زاده مردای كى به عيسى مسيح ايمان باورده بو،
كيتاب تورات موسى دقتاً امرأ ايطاعت كودى. اون نام حانیا بو، كى يهوديان
ميان نيك نام بو. ۱۳ اون بمو مى ورجه، مر بوگفته: (برأر شائول، بينا بوبو!) هو لحظه
بينا بوبوستم و اون بيدم. ۱۴ اون بوگفته: (امى پئران خودا تر انتخاب بو كوده كى اون
اراده ی بدانى، عيسائى عادل بيدنى و اون گبان بيشنوى. ۱۵ پس تو توما م مردوم
ورجه اون شاهد بى و بر هر چى كى بیده يى و بيشنوستى، شهادت ديهى. ۱۶ هسه
منتظر چى ايسه يى؟ ويريز و غسل تعميد بيگير و خوداوند نام دوخوان، كى تى
گوناها ن جا پاك بى!)

۱۷ وختى واً گردستم اورشليم، معبد ميان دوعا كودن دبووم كى جہ حال بوشوم
۱۸ و روىا ميان عيسائى خوداوند بيدم كى گفتى: (عجله بوكون و هر چى زودتر
اورشليم جا بوشو بيرون، چونكى اوشان تى شهادت در مورد من قوبيل نوكونيدى.)
۱۹ بوگفتم: (خوداوندا، اشان دانيدى كى من همه يهوديان كنيسه يان دورون شويم
و فرمان ديم تا اوشانى كى تر ايمان داشتيدى، بزنيد و زندانى بوكونيد. ۲۰ هو

وختان کی خون تی شاهد، استیفان، فوکودن دیبید، اون قاتلان کاران قوبیل دأشتیم
و حتی اون کوشتن موقع جہ اون قاتلان لیباسان مواظبت بوکودم.

۲۱ خوداوند عیسی مر بوگفته: (بوشو، چونکی من تر اوسه کونم، بیشی ایتا جای
دور غیریهودیآن میان.)

پولس کی ایتا رومی بو

۲۲ مردوم کی تا آیه پولس گبان گوش دئن دیبید، هطو کی بیدہیدی در مورد
غیریهودیآن گب بزه، فریاد بزهیدی، بوگفتیدی: «امرداک بیگیرید بوکوشید. آ جور
آدم نوستی زنده بمانه.»

۲۳ هطو کی اوشان فریاد زہیدی و خوشان ردایان هوا دورون تکان دەیدی و
خاک بولند کودیدی، ۲۴ فرمانده دستور بده پولس ببرید قلعه دورون و اون شلاق
بزید و اون جا بازجویی بوکونید کی بفہمید چہ اطوی بر ضد اون فریاد زہیدی.

۲۵ وختی اون دوستن دیبید کی شلاق بزید، پولس افسری کی اوہ ایسہ بو،
بوگفته: «آیا قانون شمر اجازه دہہ کی اینفر رومی محاکمہ نوکودہ، شلاق بزید؟»

۲۶ افسر رومی وختی ا گبان بیشنوستہ، بوشو فرمانده ورجہ، اون بوگفته: «چی
کودن دری؟ دانی کی امردای روم امپراطوری تبعہ ایسہ؟»

۲۷ فرمانده بوشو پولس ورجہ، وورسہ: «بوگو بیدینم، آیا تو رومی ایسی؟» پولس
جواب بده: «بلہ من روم تابعیت دارم.»

۲۸ فرمانده واگردستہ بوگفته: «رومّ تابعیتّ فيگفتنّ وستى، بهای زيادى پرداخت بوکودم.» پولس واگردستہ اون بوگفته: «ولى من خودم اّ تابعیتّ امرأ به دونيا بموم!»

۲۹ اوشانى كى قرار بو پولس بازجوى بوكونيد، خوشانّ کنار فكشهيدى. فرماندهيم كى بفهمسته بو ايتأ رومى اّ اسير بوکوده، سخت دس پاچه بوبوسته.

پولس شورايّ يهودّ ميان

۳۰ فردا روز ره كى فرمانده خواستى بفهمه كى چره يهوديانّ پولسّ جا شكايت داريدى، اون آزادّ كوده و فرمان بده و پيله كاهنانّ و توماّم اعضايّ شورايّ يهود جلسه يى تشكيل بديد و بزین پولسّ باوردید اوشانّ جُلُو.